

## SIFATLI TA'LIM-TARBIYA BOSH VAZIFAMIZ

**Mukhtasarkhon Obbosovia**

*Farg'ona viloyati O'zbekiston tumani  
46-umumiy o'rta ta'lim maktabi  
o'qituvchisi*

**Annotatsiya:** *Ushbu maqola O'zbekiston o'tgan 25 yil ichida qo'lga kiritgan salmoqli yutuqlari bugun jahon ahlini hayratga solmoqda. Qayta tiklangan qadriyatlarimiz, ijtimoiy, iqtisodiy va ma'naviy sohalaridagi tub o'zgarishlar, ta'lim tizimini takomillashtirish borasida olib borilayotgan izchil islohotlarni guvohi bo'lishingiz mumkin.*

**Kalit so'zlar:** *Ta'lim, tarbiya, qadriyatlarimiz, ijtimoiy, iqtisodiy va ma'naviy, soha, o'zgarishlar, ta'lim tizimi, takomillashtirish, islohotlar, yurtimiz shuhratini yanada oshirib, yuksaklik.*

Mamlakatimiz mustaqilligining yigirma besh yilligi arafasida o'tkazilayotgan an'anaviy avgust kengashlari "Go'zal va betakrorimsan, muqaddas Vatanim, jonim senga fido, O'zbekistonim!" degan bosh g'oyani o'zida mujassam etib, "Sog'lom ona va bola yili" Davlat dasturi doirasida ta'lim tizimida amalga oshirilayotgan keng qamrovli islohotlar mazmun-mohiyatini pedagoglarga yetkazish, o'sib kelayotgan yosh avlodni vatanparvar, har tomonlama yetuk, bilimdon, jismonan baquvvat, ma'nan barkamol etib voyaga yetkazish, o'quvchilarni kun sayin kengayib borayotgan axborot-ta'lim muhitida mustaqil faoliyat ko'rsatish hamda axborot oqimidan oqilona foydalanishga o'rgatishni o'z oldiga maqsad qiladi.

O'zbekiston o'tgan 25 yil ichida qo'lga kiritgan salmoqli yutuqlar bugun jahon ahlini hayratga solmoqda. Qayta tiklangan qadriyatlarimiz, ijtimoiy, iqtisodiy va ma'naviy sohalaridagi tub o'zgarishlar, ta'lim tizimini takomillashtirish borasida olib borilayotgan izchil islohotlar yurtimiz shuhratini yanada oshirib, yuksak imkoniyatlar mamlakati degan nomga munosibligini ko'rsatmoqda.

Ayni paytda o'qitish samaradorligini oshirish, o'quvchilarning davlat ta'lim standartlarida belgilangan bilim, ko'nikma va malakalarni to'la egallashlariga erishish, mustaqil bilim olishlarini ta'minlash, iqtidorli, iste'dodli hamda ayrim fanlarni o'zlashtirishi qiyin bo'lgan o'quvchilarga individual yondashish, bolalarning eng yaxshi fazilatlarini rivojlantirish, yoshlarning qiziqishi, ehtiyoji, qobiliyati, intellektual xususiyati va shaxsiy sifatlarini aniqlagan holda darslarni tashkil etishga jiddiy e'tibor qaratish dolzarb vazifalardandir.

Ta'kidlash joizki, bugungi kunda ta'lim mazmunini yangilash, takomillashtirish, o'qitish samaradorligini va o'qituvchilarning kasbiy mahoratini oshirish, ilg'or tajribalarni keng ommalashtirish bo'yicha muayyan ishlar amalga oshirilayapti.

Xususan, mustaqillikning dastlabki yillaridan boshlab ta'lim jarayonini ilmiy-metodik jihatdan ta'minlash, yangi avlod darsliklarini yaratish, DTS va o'quv dasturlarini takomillashtirish davlat siyosati darajasiga ko'tarildi va Kadrlar tayyorlash milliy dasturi orqali qonuniy asosga ega bo'ldi. Barcha fanlardan yangidan-yangi ta'lim texnologiyalari va interfaol usullar ishlab chiqilib, muntazam modernizatsiyalashtirilmoqda. Yurtimizda xorijiy tillarni o'rganishga qiziqish tobora ortib borayotganini e'tiborga olib, chet tili o'qituvchilarining kasbiy malaka va mahoratini oshirish maqsadida 2015-yildan buyon Britaniya Kengashining O'zbekistondagi vakolatxonasi bilan hamkorlikda ingliz tili o'qituvchilari uchun noan'anaviy tarzda "Yilning eng yaxshi chet tili o'qituvchisi" ko'rik-tanlovi o'tkazib kelinmoqda.

Uzluksiz ta'lim tizimida chet tillarni kompetensiyaviy yondashuv asosida o'rgatish tajribasidan kelib chiqib, umumiy o'rta va o'rta maxsus, kasb-hunar ta'limi umumta'lim fanlarining o'quvchilarda kompetensiyalarni shakllantirishga yo'naltirilgan davlat ta'lim standartlari loyihalari tayyorlanib, hududlarda tajriba-tadqiqot ishlari o'tkazildi.

Shuningdek, 18ta umumta'lim fani bo'yicha ijodiy guruhlar tomonidan dunyoning rivojlangan davlatlari, xususan, Germaniya, Janubiy Koreya, Yaponiya va Singapur kabi mamlakatlarning davlat ta'lim standartlari o'rganib chiqildi va tahlil etildi. Natijada o'quvchilarda kompetensiyalarni shakllantirishga yo'naltirilgan davlat ta'lim standartlari loyihalarining takomillashtirilgan varianti tayyorlandi.

Iqtidorli bolalarning qobiliyatini erta aniqlash va rivojlantirish, iste'dodli, izlanuvchan, ijodkor pedagoglarni qo'llab-quvvatlash, ularning ilg'or tajribalarini ommalashtirish, ta'lim muassasalarida o'quv-tarbiya jarayonining zamonaviy talablar darajasida tashkil etilishini ta'minlash, o'qituvchilarning pedagogik mahoratini oshirish maqsadida fan olimpiadalari, bilimlar bellashuvi, "Ingliz tili bilimdonlari", "Prezident asarlarini o'rganamiz", "Huquq bilimdonlari", "Soliq bilimlari — bolalarga", "Yilning eng yaxshi fan o'qituvchisi" kabi ko'rik-tanlovlar va fan oyliklari o'tkazilib, o'qituvchi va o'quvchilarning ijodiy izlanishi uchun keng imkoniyat yaratilmoqda.

Boshlang'ich ta'lim sifatini oshirish, sog'lom turmush tarzini targ'ib qilish, yurtimizda amalga oshirilgan keng ko'lamli islohotlarning mazmun-mohiyatini pedagoglarga yetkazish maqsadida joriy yilning 13–14-iyul kunlari "Boshlang'ich ta'limni modernizatsiyalash orqali o'quv-tarbiya jarayonining sifati va samaradorligini oshirish" mavzusida boshlang'ich ta'lim o'qituvchilari uchun respublika forumi o'tkaziladi. Barcha ta'lim sohasidagi ziyolilar ushbu forumda eshtirok etdilar va o'zlariga kerakli bilimlarni oldilar.